

南平縣誌卷之三

氣候

氣候寒暖視乎里差由里差以測日由日以測赤道赤道下極熱其景四時均無短永近兩極極寒其景短長皆極至有數日常晝常夜數旬常晝常夜者當兩極之下恒以半年爲晝半年爲夜而晝夜寒暑合惟距赤道北二十三度至四十度寒燠得中冬夏長短之極皆無過十之七此和氣之會也中域九州紫微太微天市臨

南平縣誌

卷之三

氣候

三十七

之當黃道北軌距赤道二十三度之外陰陽風雨之所和會聲名文物之所萃芴其福區乎南平北極出地二十六度天頂當赤道北二十六度燠寒得其正夏雨則寒冬暄則熱夏無炎蒸冬無冰雪地惡風而喜雨畏旱而不慮潦治之南長安喬保漸熱治之北梅東吉田漸寒居高者寒居夷者熱熱甚卜雨寒極決晴一月之內一日之內而氣候不齊將欲調燮陰陽使無愆伏則必曰政在民和民和則地利足以暢所生

而天時於焉昭其順蓋陰陽和會之地必集斯
民休和之氣以應之是以和召和之義也志氣
候

氣候

南平去炎海五百里而遙雖恒燠而無四時皆夏之酷山環如城郭三溪流惡駿駛山氣以舒特朝霧常濛日出地數丈猶霏烟蔽空間乃終日如盆塵犇勃俗謂之落黃沙又崇岡疊巘蔽虧日月大林叢箐晴明則九冬亦暖霪雨則盛夏生涼至岩居之戶挾纊披裘於六月平疇暄溽於役者四時袒裸矣霜無堅冰惟峰頭時或皓然碎玉懸乳徃徃見之絕壁先春花發不獨

梅開也彌望芊緜豈必松栢乃後彫乎放風鳶必待九秋涼飈振厲乃能擡翮三春多霖仲夏暴漲諺云春暖多晴春寒多雨常也今惟高空凜肅乃占晴明纔覺薰融萍翳立至矣諺云三日風三日霜三日大日光常也今或連旬嚴霜不止三日或昨朝瓦白次曉含陰亦有晨起履霜日中執蓋之候十月謂之小陽春桃李枝梢點綴三兩朶耳近年一漏春華次第舒萼連接孟春如一序蟄虫咸俯遲在孟冬常也近年虫

聲唧唧不絕寒宵臘月暄和蠅蚊遽集寒不在
冬而春來僵凍夏猶僚慄而秋益歊蒸至於數
年無冰或一冬而積雪沒脛春不鳴雷而冬乃
殷殷忽响此非氣候之恒然欲斤斤講洪範之
庶徵執京房之占驗有不必盡然者要亦南服
恒燠所致偶或不齊未可遽謂爲變也

附占驗

正月元旦宜陰天逢霜是早年立春晴一日農夫
不用力若要禾豐熟但看年頭三個六

南平縣誌

卷之三

氣候

四十

二月驚蟄雷鳴米賤春分有雨病稀雨打驚蟄節
下雨不得歇

三月初一逢風雨瘟疫萬人愁清明南風至清明
大有秋清明要明穀雨要雨穀雨在月中斗種
三擔豐穀雨在月頭斗種收三頭穀雨在月尾
禾苗不結尾

四月立夏東風病少初八清明菓多十三十四十
五無風無雨歡歌小滿又宜下雨酷暑無憂旱
禾甲子庚辰雷震蝗虫爲灾奈何四月十四禾

生日下雨綿綿穀須積小蒲不滿芒種不管
五月端陽有雨是豐年芒種聞雷美亦然夏至風
從西北起瓜蔬園內受熬煎有雨三伏不炎炎
喫了五月粽寒衣方可送

六月若遇初三雨七十二風時六月熱如火人畜
田禾好小暑大暑晴人畜自安寧三伏甚酷熱
田禾多不結秋收正堪虞三冬多雨雪

七月立秋須雨雷莫發不然虫鼠滿田匝處暑必
須晴結寔自盈盈

南平縣誌

卷之三

氣候

四十一

八月白露晴涼禾黍穰穰秋分雲多絕好晚禾雷
轟電閃米價高攀八月大菜長價

九月初一若飛霜人民產業傷重陽寒露節無雨
冬晴光霜降月如火人人多病殃更遇雷聲震
桑葉貴難當不怕重陽雨只怕重陽風重陽若
刮風明年歲不豐九月二十晴柴炭滿街迎
十月立冬怕逢壬高田枉費心更逢壬子日灾害
損人民小雪須微雨不旱祝昇平

十一月初一西風盜賊多更兼大雪有妖魔冬至

天陰無日色來年定唱太平歌冬至在月中無
雷亦有風

十二月初一東風六畜群空若逢大雪來年水竭
得晴一日耕田省力大寒小寒霜雪堆岩來年
田野出水洋洋

四個甲子晴天下大太平春丙陽陽無水下秧夏
丙洋洋旱煞禾娘秋丙陽陽乾晒一倉冬丙陽
陽無雪無霜